

1649. *novemb.*
oct.

ARRSET DE LA COUR DE PARLEMENT DE BOVRDEAVX.

*Portant que les forteresses construittes par le
Duc d'Espernon sur les riuieres de Garonne
& Dordogne seront rasées, comme faites
contre le seruice du Roy & à la ruine du
commerce.*



A PARIS.

Iouxté la coppie imprimée à Bourdeaux.

M. DC. XLIX.

A R R E T

D E L A C O U R

D E P A R L E M E N T

D E B O U R B O N

Tout ce qui est contenu dans le présent Arrêt
sera exécuté comme loi du Roy.
Donné à Paris le 15 Mars 1775.
En présence de Messieurs les Chanceliers
des Cours de Parlement, de la Cour des Comptes,
des Aides, des Trésoriers, &c. &c.



A PARIS

chez la Citoyenne de la Cour

N. D. C. M. L.



Arrest de la Cour de Parlement de Bourdeaux.

*Portant que les forteresses construites par le
Duc d'Espéron sur les rivières de Ga-
ronne & Dordogne seront rasees, com-
me faites contre le service du Roy & à la
ruine du commerce.*

Extraict des Registres de Parlement.

SVR ce qui a esté représenté à la Cour, que les
diuerſes violences & oppressions exercées dans
la Prouince par le ſieur Duc d'Espéron, parti-
culierement puis huit mois contre cette ville capi-
talle de ladite Prouince, & les habitans d'icelle,
continuent avec la meſme hoſtilité dans les choses
les plus importantes au ſervice du Roy, & qui
choquent le plus ſon autorité, qu'il empesche le
transport des bleds & autres viures neceſſaires pour
la ſubſiſtance de la ville & pays circonuoifins, qu'il

tient les passages des riuieres, occupe ceux de Dor-
doigne à la faueur de la citadelle qu'il a esleue sans
pouuoit dans Libourne, & des garnisons qu'il a
mis en diuers lieux, & ceux de Garonne, par les
fortifications qu'il a faites contre les ordonnances
Royaux à Rions, Cadillac, Poudensac, & autres
places & chasteaux qu'il a en domaine sur ladite ri-
uiere, abusant en ces lieux des armées du Roy, &
les employant pour priuer ses subjets de cette Pro-
uince de la liberté du commerce, non moins ne-
cessaire pour le seruice du Roy, que pour le bien
de ses peuples, puis qu'outre les dommages qu'en
reçoient les subjets de sa Majesté, mesme ceux
du haut pays, qui ne peuvent debiter leurs den-
rées pour satisfaire aux deniers Royaux, les estran-
gers qui sous la foy publique abordent à ce port
souffriront des incommoditez si notables que le
negoce sera entierement ruiné, & le Roy priué de
ses droicts & d'une subuention bien considerable
à l'État, laquelle subuention est irreparablement
diminuee par les desolations generales que ledit
Duc d'Espernon a fait faire nouuellement dans
l'entre-deux mers & autres endroicts de la Pro-
uince, renuersant les tonneaux plains de vin, &
faisant couler dans les chais celuy qui estoit dans
les barriques, ostant aux particuliers le meilleur
de

ee2ae2

de leur reuenu, & au Roy les droicts qu'il en eust retiré, en telle sorte que le bien de son seruice & le soulagement de ses subjets requiert de s'opposer à toutes ses violences, lesquelles continuent avec impietez, sacrileges, incendies, violemens, rase-mens de maisons des particuliers, enleuemens de leurs biens, & autres actes d'hostilité, qui attireroient la ruine entiere de la Prouince s'il n'y estoit pourueu, & à ce que les Arrests de la Cour pour la liberté du commerce soient executez, & que les subjets du Roy de ceste Prouince iouissent de l'auantage qu'il a pleu à Dieu leur donner, d'auoir abondance de bleds, & ayent le moyen d'en pou- uoir secourir les autres Prouinces, & particuliere- ment en la ville de Paris, capitale du Royaume, laquelle se trouue dans vne telle necessité de bleds que les Preuosts des Marchands & Escheuins d'i- celle ont enuoyé à la Cour & aux Iurats de cette ville, pour faciliter le transport desdits bleds, & le secours qu'ils attendent de cette Prouince : Ouy sur ce le Procureur General du Roy. LA COUR a ordonné & ordonne que le Roy sera informé de la continuation desdites violences & du prejudice fait à son seruice par le sieur Duc d'Espernon; & neantmoins que toutes les fortifications faites ez viles de Rions, Cadillac, Poudensac, & autres ter-

res & chasteaux appartenans audit sieur d'Esper-
 non, seront rasées, comme contraires aux Ordon-
 nances Royaux, & faites au prejudice de l'authori-
 té du Roy & du bien de ses subjets, & que les trou-
 pes ordonnées pour le service du Roy & la defense
 de la Ville, seront employées à l'execution des Ar-
 rests de la Cour, à restablir la liberté du commerce,
 ouvrir les passages, & faire desmolir lesdites fortifi-
 cations, & arrester les desolations publiques & les
 actes d'hostilité pratiquées avec impietés & sacri-
 leges contre les loix diuines & humaines. Enjoint
 ladite Cour à tous Seigneurs, Gentils-hommes,
 Gouverneurs des places, Officiers, Consuls des
 villes, habitans d'icelles, & autres subiets du Roy
 de tenir la main à la liberté des passages & à l'execu-
 tion desdits Arrests, & à ces fins d'obeir aux ordres
 qui leur seront donnez pour raison de ce par les
 Chefs commandans lesdites troupes, & de les co-
 gnoistre en ladite qualité, à peine d'en respondre en
 leur propre & priué nom. Et à tous Marchands de
 bleds en cette Ville pour l'entree d'icelle, & de
 pouoir secourir les autres Prouinces, & particu-
 lierement la ville de Paris, Fait tres-expresses inhi-
 bitions à toutes personnes de quelque qualité &
 condition qu'elles soient d'empescher ledit trans-
 port, & de s'opposer à l'execution desdits Arrests,

à peine d'estre traittez comme perturbateurs du repos public, ennemis du Roy & de son Estat. Permet ladite Cour de courir sus aux contreuenans, & aux Officiers d'assembler pour cet effet les communes. Et aux fins qu'il soit notoire, sera le present Arrest leu, publié & affiché ez villes du hault pays & autres lieux du ressort qu'il appartiendra, le tout en vertu du simple Dictum, attendu la matiere dont il s'agist. Fait à Bourdeaux en Parlement extraordinairement assemblé, le cinquiesme iour du mois de Nouembre mil six cens quarante-neuf.

Signé, DE PONTAC.

Signé DE FONTAINE